

禮記鄭讀考

禮記鄭讀攷卷四

福州陳壽祺學

男喬樅述

明堂位第十四

頒度量○注云頒讀爲班

案詳見前王制

春社秋省○注云省讀爲獮獮秋田名也

案詳見前玉藻

崇坫康圭○注云康讀亢龍之亢

喬樅謹案康亢一聲之轉廣雅釋詁四亢舉也亢讀與抗同詩賓之初筵大侯既抗傳云抗舉也周

禮服不氏賓客之事則抗皮司農注抗讀如亢其
鑿之亢鄭君云抗者若聘禮曰有司二人舉皮以
束後漢書班彪傳下注抗讀曰康是康亢抗三者
讀音皆相同爾雅釋宮五達謂之康六達謂之莊
晏子問篇曰桓公過于康莊管子輕重丁篇曰決
獲落之水通之杭莊之間是杭亦與康同

鸞車○注云鸞或作鸞也

喬從謹案鸞樂以聲同假借鸞通作鑾廣雅釋器
鑾鈴也古書多用鸞字周禮大馭以鸞和爲節注
云鸞在衡和在軾皆以金爲鈴呂覽孟春乘鸞路

高誘注云鸞鳥在衡和在軾鳴相應和後世不能
後致鑄銅爲之飾以金謂之鸞輅也攷工記鳧氏
兩樂謂之銑釋文樂本作鸞山海經西山經其音
如鸞雞郭璞注鸞雞鳥名或作樂

夏后氏之綏○注云綏當作綏讀如蕤賓之蕤有虞氏
當言綏夏后氏當言旂此蓋錯誤也綏謂注旄牛尾於
杠首所謂大麾

案詳見前王制下大綏條

喬樅謹案綏謂注旄於杠首卽爾雅所云注旄首
曰旌也周禮夏采建綏注云綏以旄牛尾爲之綏

於幢上釋名釋兵云綏有虞氏之旌也注旌竿首其形榮榮然也周禮司常曰析羽爲旌郝懿行曰說文旌析羽注旌首所以精進士卒爾雅不言羽疑有虞氏惟竿首注旌其形綏綏然因謂之綏周則加文析五采羽爲飾說文益以周制兼虞制言爾雅不言析羽無妨專言有虞之制夏采序官注謂有虞氏已以夏翟羽爲綏恐未必然

夏后氏以雞夷。○注云夷讀爲彘

案据周禮司尊彘又周書是彘是訓史記作夷

喬樅謹案夷彘古通詩烝民民之秉彘孟子引作

民之秉夷魏元丕碑彝戎寶服夷字作彝周禮司尊彝注鄭司農引明堂位曰夏后氏以雞彝知禮記或本有作彝字者故司農據以爲証

夏后氏以𦏧○注云𦏧之言𦏧也謂中足爲橫距之象周禮謂之距

案少牢禮腸三胃三長皆及俎拒注拒讀爲介距之距

喬樅謹案上文俎用梲𦏧注梲始有四足𦏧爲之距正義曰虞俎名梲梲形四足如案夏俎名𦏧𦏧如梲而橫柱四足中央如距也賀云直有腳曰梲

加腳中央橫木曰𦨇釋文云𦨇又作𦨇音同廣雅
釋器曰𦨇几也俎亦几之類漢書叙傳上集注引
李奇曰𦨇距也少牢饋食禮注云俎距脰中當橫
節也拒距古相通用論語子張篇其不可者拒之
漢石經殘碑皇侃義疏皆作距

賁桴○注云賁當爲𦨇聲之誤也

案詳見前禮運

有虞氏服韍○注云韍或作𦨇

喬樅謹案說文市韍也韍篆文市从韋从攴𦨇黑
與青相次文从𦨇攴聲是二字義別然古書每多

通用故左氏桓二年傳衮冕黻珽注黻韋鞞以蔽
膝也疏云鞞以韋爲之經傳作黻或作鞞或作韋
音義同也後人以其用絲故字或有爲紱者今案
詩采芑朱芾斯皇采芣赤芾在股車攻赤芾金舄
白虎通紱冕篇並引作紱則鞞又與紱通爾雅釋
言黼黻彰也孫炎注云黻謂刺繡爲已字相背以
青黑線繡左傳火龍黼黻杜注亦云黻兩已相戾
漢書韋賢傳黼衣朱紱師古注黼衣畫爲斧形朱
紱爲朱裳畫爲亞文也亞古弗字也故因謂之紱
字又作黻其音同儀徵阮氏鐘鼎釋文曰黻與黼

同爲畫續之形黼形象斧明矣黻爲兩已相背已
何物耶蓋亞乃兩弓相背之形言兩已者訛也漢
書韋賢傳師古注曰紱畫爲亞文亞古弗字也師
古此說必有師傳經傳中彌佛弗每相通假凡鐘
鼎文作亞者乃輔戾二弓之象正是古彌字亦卽
是弗字黻乃繡亞於裳故從帶義又屬後起據阮
氏說則知有虞氏服黻乃以韋爲韠繪爲亞形至
夏增之以山殷又增之以火周又加龍以爲章鄭
君於黻不言畫亞爲飾者蓋偶失攷耳

是故天下資禮樂焉○注云資取也資或爲飲

案七經孟子考文引古本作資或爲諮古本多不可信疑飲乃取字之譌也

喬樅謹案飲字義不可解其爲誤字無疑諮卽咨字古文咨作欲形與飲略似一說飲字乃欽之譌欽猶敬也尚書舜典曰食哉惟時柔遠能邇食字亦欽之譌當作欽哉句惟時柔遠能邇句與下文欽哉惟時亮天工同一文法欽今作食蓋古文金食形似又蝕去其半欠形故譌作食字此注欽譌爲飲其誤與彼正同

喪服小記第十五

而父稅喪已則否○注云稅讀如無禮則稅之稅稅喪者喪與服不相當之言

喬樅謹案釋文說喪皇他活反徐他外反注及下同是釋文本作說正義本作稅陸孔二本文有不
同鄭君讀稅爲無禮則稅之稅是以稅爲脫字音
讀當如皇氏爲正徐音他外反與下反稅服之稅
同非是方言七稅猶脫也文王世子不稅冠帶纓
文稅本作脫又作說同音他活反少儀注降稅屨
釋文稅本作說投壺注旣稅屨升坐釋文稅本作

脫是稅脫說三字古相通用

降而在緦小功者則稅之○注云此句補脫誤在是宜承父稅喪已則否

喬樞謹案檀弓上小功不稅注云日月已過乃聞喪而服曰稅此云降而在緦小功者則稅之謂本大功以上降而在緦小功者則爲稅之情重故也鄭以此文宜承父脫喪已則否者詳文義宜連親屬之下不應錯在爲君親稅服之中故訂正之報塋者報虞○注云報讀爲赴疾之赴

案少儀毋拔來毋報往注報讀如赴疾之赴拔赴皆

疾也

喬樞謹案檀弓上赴於孔子注赴告也儀禮既夕注赴走告也曲禮告喪注告赴也高誘呂覽贊能篇注告白也又權勲篇注報白也鄭注郊特牲亦云報猶白也是報赴二字義得展轉相通赴是走告故訓爲疾意

雖異國之君免也親者皆免○注云異國之君免或作弔

喬樞謹案或本文異而義仍同上文言君弔謂本國之君此云異國之君弔謂他國之諸侯敬異國

之君與已君同言親者皆免則主人之必免可知
也於異國之君弔親者皆免則已君來弔親者之
從主人皆免又可知也

大傳第十六

序以昭繆○注云繆讀爲穆聲之誤也

案詳見前檀弓

殊徽號○注云徽號旌旗之名也徽或作禕

喬樅謹案徽禕聲同爾雅釋器婦人之幃謂之綯

釋文云幃本作禕又作徽是聲同通用之証徽禕

皆徽之假借字說文微微識也各本刪徽字又識字改幃今從段本

訂以絳帛各本絳上衍微字誤今從段本刪去箸於背从市微省聲

春秋傳曰揚徽者公徒若今救火衣然也段玉裁

曰六月詩識文鳥章箋識微識也將師以下衣皆

著焉周禮司常掌九旗之物名各有屬以待國事
鄭注屬謂徽識也大傳謂之徽號今城門僕射所
被及亭長著絳衣皆其舊象司常又曰及國之大
閱贊司馬頒旗物皆畫其象焉鄭云徽識旌旗之
細也士喪禮爲銘各以其物以緇長半幅頽末長
終幅廣三寸書名於末此蓋其制也大閱禮象而
爲之兵凶事若有死事者則以相別也觀禮曰公
侯伯子男皆就其旂而立賈公彥云此旂鄭雖不
解鄭注夏官仲夏辨號名此表朝位之旂與名旌
及在軍徽識同皆以尺易初小而爲之也按古朝

覲軍禮皆有微識而微各書作微究是假借識各書作幟則是俗字唐釋元應曰幟與識本無二音若毛詩作織則亦假借字也以絳帛者用絳帛爲之周禮九旗之帛皆用絳則其細亦皆用絳可知也著於背者專謂軍禮象銘旌而爲之者春秋昭二十一年左傳云揚微者公徒曰揚則旌旗而非著背者云若今救火衣然此與箸於背相屬衣部卒下曰衣有題識者卽鄭所云亭長箸絳衣也又說文幟幟識也通俗文微號曰幟禮記曰幟周禮肆師表璽盛告絜鄭注故書表爲剡剡表皆謂微

識也剽表假借字標其本字也凡物之標幟亦曰
微識今字多作標榜標行而標廢矣

少儀第十七

毋拔來毋報往○注云報讀爲赴疾之赴拔赴皆疾也
案詳見前喪服小記

喬樅謹案釋文云拔王本作校蓋以無校來爲犯
而不校之意然則報字王肅當訓爲報復與鄭君
義異

工依於法游於說○注云說或爲伸

喬樅謹案阮氏校勘記云閩本監本毛本伸作申
岳本同嘉靖本同此本作伸誤也衛氏集說誤作
甲樅謂伸字不誤鄭君注云法謂規矩尺寸之數

也說謂鴻殺之意所宜也引考工記曰薄厚之所
震動清濁之所由出侈弇之所由興有說是說謂
論說法度之文或作伸者伸讀與呻其佔畢之呻
同呻吟也吟誦猶論說之意法度之大小鴻殺既
著之於簡畢非吟誦其文不能通其妙故游息之
暇呻誦之有以得鴻殺之意所宜也申蓋伸之省
借甲乃譌字耳

言語之美○注云美皆當爲儀字之誤也

案据周禮保氏

喬樞謹案美字訓善儀亦訓善義得相通周禮保

氏乃教之六儀鄭君据少儀此文以証祭祀賓客
朝廷車馬之容又據玉藻以証喪紀軍旅之容故
於此還据保氏六儀以互証讀美字皆爲儀也廣
雅釋訓曰儀儀容也釋名釋典藝曰儀宜也得事
宜也此穆穆皇皇五者言威儀容止之得宜而美
善之義已該矣

祭祀 夫齊齊皇皇○注云齊齊皇皇讀爲歸往之往
案毛詩泮宮箋皇皇當爲晔晔爾正晔晔皇皇美也
喬樅謹案上文言語之美已言穆穆皇皇故於此
讀皇皇爲晔晔郭璞爾雅注皇皇晔晔皆美盛之

貌義並相近正義曰皇讀爲歸往之往皇氏云謂
心所繫往孝子祭祀威儀嚴正心有所繫屬故齊
齊皇皇然郝懿行曰古讀皇聲如王王聲如往故
詩楚茨箋皇晬也泮水箋晬晬猶往往也晬與旺
同

車馬之匪匪翼翼○注云匪讀如四牡駢駢

案春秋公子駢公穀二傳作斐

喬樅謹案匪駢皆从非聲說文云駢駢旁馬左傳
桓三年疏云名駢者以駟馬有駢駢之容此記正
義云翼翼駢駢皆是馬之嚴正也攷工記梓人匪

色注故書匪作飛鄭司農云飛讀爲匪非與飛古
字通見文選盧子諒贈崔溫詩注詩淇奥有匪君
子禮記大學及爾雅釋訓皆作有斐

雖有君賜肅拜○注云雖或爲唯

案雜記雖三年之喪可也注雖或爲唯又表記唯天
子受命於天注唯當爲雖字之誤也

喬樅謹案古書唯雖二字多相假借荀子性惡篇
然則唯禹不知仁義德正不能仁義法正也注唯
讀爲雖莊子庚桑唯蟲能蟲釋文唯本作雖國策
秦策唯儀之所甚願爲臣者唯儀之所甚憎者史

記張儀傳唯皆作雖史記汲黯傳唯天子亦不說也漢書唯作雖漢書揚雄傳唯其人之瞻知哉文選解嘲唯作雖此皆唯雖二字古通之驗

爲喪主則不手拜○注云或曰喪爲主則不手拜肅拜也

案此亦載禮記他解之異多肅拜二字與上爲尸坐則不手拜肅拜句法同

喬樅謹案喪服小記云婦人爲夫與長子稽顙其餘則否與此記言爲喪主則不手拜其義正同是爲夫長子喪禮當稽顙與其餘皆手拜者異亦與

爲尸坐之爲肅拜者不同如或本所云則是不手
拜但爲肅拜顯與小記文違異故鄭不從之

加夫

與劍焉○注云夫褫劍衣也夫或爲煩皆發聲

喬樅謹案孔氏正義引熊安生云依廣雅夫褫木
劍衣謂以木爲劍衣者若今刀槓云禮記本夫或
作煩鄭云皆發聲然則褫之一字是衣之正名當
以緇帛爲之熊氏用廣雅以木爲之其義未善也
案夫褫今本廣雅作袂褫攷說文袂襲袂也段玉
裁曰襲袂蓋古語廣雅夫加衣旁卽說文袂字亦
韜藏之意韋部曰韜劍衣也樅謂上文言劍則啟

櫝蓋襲之櫝爲劍函旣以木爲之則此夫褫當是用韋爲劍衣不得又云以木也玉篇褫劍衣也無木字則非以木可知褫字不見說文褫與韜音相近則褫殆卽許書之韜歟鄭云夫煩皆發聲則夫字不當從衣旁作袂周官司烜氏掌以夫遂取明火於日鄭司農云夫發聲也與鄭君釋夫褫訓同夫或爲煩者夫猶凡也見孝經疏引劉瓛說又高誘淮南本經訓注夫人衆人也煩亦衆也義見大戴禮少閒注義通故字亦相借一曰夫煩聲之轉詩葛覃薄汙我私毛傳汙煩也鄭箋煩煩搗之夫

與汙古音同部汙之爲煩可爲夫煩聲轉之旁証
酢僎僎○注云古文禮僎作遵酢或爲作僎或爲駟
案鄉飲酒義介僎注古文禮僎皆作遵又儀禮鄉飲
酒禮遵者降席注今文遵爲僎或爲全鄉射禮大夫
若有一注今文遵作僎

喬樅謹案鄭君鄉射禮注云謂之遵者方以禮樂
化民欲其遵法之也是遵爲正字僎其假借字也
胡承珙曰僎或爲全者聲近假借論語異乎三子
者之撰鄭注云撰讀爲詮蕭該漢書音義引字林
譌音詮喬樅謂遵僎以聲近通借史記周本紀遵

修其緒集解引徐廣曰遵一作選是其例也遵或
爲馴者馴順也從也遵循也循亦順從也又或爲
全者古文从全从川从盾之字多相通假喪大記
君用輶注輶皆當爲載以輶車之輶聲之誤也
輶卽輶字說文云下棺車曰輶荀子非十二子篇
終曰言成文典及紃察之注紃與循同皆以聲近
假借釋文出爲駟云駟側留反本又作馴按正義
本作則陸本與正義本文異駟與僕聲義並遠蓋
譌字耳酢或爲作者酢作古音同部亦聲近假借
字周禮司尊彝諸臣之所昨也注昨讀爲酢字之

誤也司几筵昨席亦如之注昨讀曰酢又昨席莞筵紛純注昨讀亦曰酢周禮酢字皆假聲同之昨字爲之與此一例也

祭左右軌范○注云周禮大馭祭兩軌祭軌乃飲軌與軌於車同謂轉頭也軌與范聲同謂軌前也

喬樅謹案經注軌軌二字多互譌今依盧文弨校定本戴氏震曰大馭右祭兩軌祭軌注故書軌爲軒杜子春云軒當作軌軌謂兩轉也或讀軒爲簪笄之笄按少儀之左右軌卽大馭之兩軌軌本作軒譌而爲軌軒從車开聲讀如笄較末也軌從車

凡聲讀如范式前也軌從車九聲古音居酉反今音居消反車徹也軌從車只聲讀如只轉內也軌闊六尺六寸軌八尺軻相去一丈六寸兩轉又在軻外轂末爲軻軸末爲轉祭軌則兼轉祭左右軻則兼軸不可以軸末之轉爲軻名之宜辨者也段氏玉裁曰周禮故書爲軻子春言軻當爲軌故書爲軌子春言軌當爲軌鄭君周禮作祭兩軌祭軌從杜子春讀也攷工記軻人軌前十尺而策半之注引鄭司農云軌謂軻前也書或作軌鄭君以軌訓爲法與前不同此子春易軌爲軌之故案據段

說則此少儀注云軌與范聲同謂軾前也是鄭君
從杜子春說讀范爲軌字與周禮大馭讀軻爲軌
同

祭膾○注云膾大臠謂剝魚腹也膾讀如哱

喬從謹案周禮腊人注大者臠之大臠膾者魚之
反_復膾又詁曰大二者同矣疏云反覆謂魚生時
在腹下今加之於上又儀禮有司徹伯主人皆一
魚亦橫載之皆加膾祭于其上注云膾讀如殷哱
之哱疏云哱覆也可以覆首此亦取魚腹反覆於
上以擬祭胡承珙曰案士冠禮注哱名出於膾膾

覆也爾雅幬大也是呶本兼大覆二義此讀幬如
呶者益亦兼取大覆二意

君子不食圉腴○注云周禮圉作豢謂犬豕之屬食米
穀者也

喬樅謹案周禮稿人掌豢祭祀之犬注養犬豕曰
豢樂記注以穀食犬豕曰豢荀子榮辱篇注豢圈
也以穀食於圈中眾經音義九引蒼頡篇圉豕所
圉也字从口豕在其中也以穀食犬豕於圈中卽
豕在口中之意故釋文云圉與豢同

學記第十八

兌命曰○注云兌當爲說字之誤也

案詳見前文王世子

不學博依不能安詩○注云依或爲衣

喬樅謹案依衣古字通國語晉語僖佶僣依潛夫
論志氏姓篇依作衣史記五帝紀集解單行本索
隱引國語並作衣漢書外戚傳婕妤姪娥俗華充
依苟悅漢紀作充衣說文依倚也依依也毛傳依
倚也釋名釋衣服曰依依也人所依以芘寒暑也
是衣有依義也

不學雜服。○注云雜服冕服皮弁之屬雜或爲雅

喬樅謹案文選南都賦被服雜錯注雜錯非一也
此雜服自袞而下至皮弁朝服元端之屬亦非一
故云雜也雜或爲雅者以形近而變一曰雅之爲
言正也荀子榮辱篇君子安雅注云正而有美德
者謂之雅此冕服皮弁之屬皆禮服之正者故謂
之雅服明外有其服者當內有其德而後乃能稱
也

術有序。○注云術當爲遂聲之誤也周禮萬二千五百
家爲遂

案詳見前月令

喬樅謹案水經注引學記術有序作遂有序從鄭君讀也管子度地篇云州者謂之術不滿術者謂之里故百家爲里里十爲術術十爲州州十爲都此管子別制度地之法與周禮之鄉遂異趙坦以管子術字亦當音遂斯不然矣

呻其佔畢多其誼○注云呻或爲慕誼或作訾

喬樅謹案莊子列禦寇篇釋文呻謂吟咏學問之聲也呻其佔畢言但吟誦其簡畢之文而不能曉其義也呻或爲慕者亦謂其浮慕其文而不求甚

解也文異而意並同訛或作訾者說文云訾不思
稱意也言不思稱意而出而多以訾毀爲責備卽
下文所謂其求之也佛也

則扞格而不勝○注云格讀如凍洛之洛扞格堅不入
之貌

喬樅謹案釋文云凍洛此二字並從ノ或水旁作
非段玉裁曰說文無洛有洛字水乾也玉篇洛土
乾也王逸九思自注洛竭也則此注洛當作洛正
義曰言洛是堅彊譬如地之凍則堅彊難入故云
如凍洛之洛但今人謂地堅爲洛也洛从土正義

是釋文非也正義本作凍塔俗改爲凍洛阮氏校勘記從段說

待其從容○注云從讀如富父春戈之春春容謂重撞擊從或爲松

喬樅謹案從讀如春者春卽椿字之消借左傳文十一年以戈椿其喉注椿猶衝也衝卽撞擊之義椿亦或作鏃史記南越尉佗傳欲鏃嘉以矛集解引韋昭曰鏃撞也漢書吳王濞傳集注引蘇林曰鏃音從容之從從或爲松者松猶容也義見公羊文二年傳注說文松或從容作案松容猶言容容

蓋寬裕閑暇之貌松亦與從春通爾疋釋蟲𧈧𧈧
注𧈧𧈧也俗呼春黍方言十一春黍謂之𧈧𧈧是
其例也

古之學者比物醜類○注云醜猶比也醜或爲計

喬樅謹案今注疏本作醜或爲之計阮氏校勘記
云惠棟校宋本無之字岳本嘉靖本同衛氏集說
同此本誤衍閩監毛本同段玉裁云計當爲討古
音醜與討同案醜從酉聲討從肘省聲古音同在
三部論語世叔討論之馬融注訓討爲治治猶理
也比物討類者比方事物而理其類也穀梁桓二

年取郃大鼎于宋傳以是爲討之鼎也范注引糜氏云討或作糾蓋亦以聲近假借一曰計字亦通說文計會也算也國語鄭語計億事注計算也呂覽季冬紀命農計耦耕事注計會也管子七法篇剛柔也輕重也大小也實虛也遠近也多少也謂之計數故曰舉事必成不知計數不可管子所云計數卽此比物計類之謂也廣雅釋詁四醜稽並訓爲同稽卽計也周禮小宰鄭司農注稽猶計也合也宮正注稽猶攷也計也質人注稽猶考也治也醜計訓義相通故字亦相假借

樂記第十九

故明王以相沿也○注云沿或作緣

喬樅謹案沿緣聲同義同說文沿緣水而下也从
水呂聲沿與沿同左氏定四年傳子沿漢而與之
上下注沿緣也荀子禮論徵知則緣耳而知聲可
也緣目而知形可也注云緣因也下文不相沿樂
正義沿因也其義並同

地氣上齊○注云齊讀爲躋躋升也

案孔子閒居至于湯齊注讀湯齊爲湯躋

喬樅謹案史記樂書作地氣上躋躋躋字同齊卽

躋躋之消借公羊文二年齊僖公釋文齊本作躋儀禮士虞禮記躋附爾于皇祖某甫注躋升也今文躋爲齊此記釋文云齊依注讀爲躋又作躋子兮反升也左氏春秋躋僖公注躋升也公羊傳曰躋者何升也周禮春官序官注躋僖公釋文躋本又作躋

大章章之也○注云堯樂名也周禮闕之或作大卷喬樅謹案正義曰案樂緯及禮樂志云黃帝曰咸池堯作大章知大章堯樂名周禮無大章故云闕也此云大章周禮曰大卷知此大章當周禮大卷

也下文咸池備矣注黃帝所作樂名也堯增脩而用之周禮曰大咸正義曰黃帝所作咸池堯增脩而用之周禮謂之大咸咸池雖黃帝樂堯既增脩故此文次在大章下又黃帝之樂堯不增脩者別立其名則大章是也至周謂之大卷更加以雲門之號釋文云大咸如字一本作大卷卷音權喬樅謂釋文所據本誤也本作大卷者乃上文大章之異文卽鄭注所謂或作大卷者是非此注中大咸之異文陸氏不能辨正疏矣章說文云樂竟爲一章从音从十十數之終也詩關雎正義云章者積

句所爲是章有積義其字从音从十卽聚之會意
大卷周禮大司樂疏云卷者卷聚之義訓亦相近
齊末廣賁之音作○注云賁讀爲憤憤怒氣充實也

案射義賁軍之將注賁讀爲憤憤猶覆敗也與此記
賁皆爲假借字

喬樅謹案荀子強國篇下比周賁潰以離上矣注
賁讀爲憤憤然也穀梁傳十年傳覆酒於地而地
賁注賁沸起也沸起謂氣怒起之貌國語周語陽
痺憤盈賁達注云憤盛也方言廣雅並云憤盈也
盈亦充實之義淮南似真篇繁憤未發注繁憤眾

積之貌盛積皆與充實義同

寬裕肉好○注云肉肥也肉或爲潤

喬樅謹案大學曰富潤屋德潤身心廣體胖胖大也肉亦訓爲腴猶言肥也肥大者必潤澤故此記肉好或爲潤好義並相近史記樂書寬裕肉好集解引王肅曰肉好言音之洪美洪亦大也又案考工記輪人進而砥之欲其肉稱也鄭注云肉稱宏殺好也是肉稱猶言肉好尔疋釋言稱好也是已天地訢合○注云訢讀爲熏熏猶蒸也

喬樅謹案訢卽欣字史記樂書作天地欣合正義

云欣喜也廣雅釋詁一欣喜也釋訓欣欣喜也史記趙世家荀欣漢書古今人表作荀訢高祖紀魏將皇欣正義云欣一作訢訢本訓喜故此訢合字讀爲熹合鄭意蓋以訢字爲析之假借文選甘泉賦垂景炎之析析注引廣雅曰析熱也熱義與蒸相近熹合猶烟燼之意文選魯靈光殿賦含元氣之烟燼張載注烟燼天地之蒸氣也思元賦天地烟燼舊注云烟燼和也又說文訢旦明日將出也从日斤聲讀若希則訢聲古讀當亦如熹矣

及優侏僂獼猴子女○注云獼獼猴也言舞者如獼猴

戲也獫或爲獫

喬樅謹案獫卽猱字集韻猱獫獫同初學記引毛詩草蟲疏曰猱獫猴也楚人謂之沐猴爾雅釋獸蒙頔猱狀釋文猱本或作獫廣雅釋詁四獫獫也然則獫雜卽猱雜耳獫與獫亦聲近字獫調戲也義見左傳襄六年注獫雜謂雜子女而相調戲也克順克俾于文王○注云俾當爲比聲之誤也擇善從之曰比

案据左氏昭二十八年傳及毛詩大雅

喬樅謹案詩漸漸之石俾滂沱矣論衡變動篇作

比滂施矣是古書俾比通用左傳擇善而從曰比爾雅釋詁俾從也則俾比義亦相通俾字亦作俾玉篇俾與俾同廣韻俾從也俾上同

衛音趨數煩志○注云趨數讀爲促速聲之誤也

案詳見前曾子問

作爲鞀鼓控楬堠簠○注云堠簠或爲簠虞

喬樞謹案周禮小師掌教鼓鼗祝敔堠簠管絃歌月令仲夏命樂師修鞀鞀鼓均琴瑟管簠執干戚戈羽調竿笙箎篪飭鐘磬祝敔鞀卽鞀也箎卽簠也祝敔卽控楬也皆不及簠虞簠虞者所以懸鐘

磬也。龔虞旣非有音之器，不得言德音之音。又下文云：「然後鐘磬竽瑟以和之，干戚旄狄以舞之。」是龔虞已賅在鐘磬中，則不得先與鼗鼓柷敔別言之。故鄭不從也。

石聲磬。○注云：「磬當爲磬字之誤也。」

喬樅謹案：磬聲聲同，古多通借用之。左氏僖廿六年傳：「室如懸磬。」服虔注云：「言室屋皆發撒，槩椽在如縣磬。」此假磬爲磬字也。釋名：「釋樂器云：磬，磬也。其聲磬磬然，堅緻也。是磬字本取義於磬，鄭必改讀磬爲磬者，以上下文鐘聲鏗絲聲哀竹聲濫鼓。」

輦之聲謹皆以聲言之今經云石聲磬恐人誤仍
爲樂器故讀從聲也磬又與硜通史記樂書作石
聲硜集解引王肅曰聲果勁也果勁之訓亦與堅
緻義近

會以聚眾○注云會猶聚也聚或爲最

喬樅謹案最乃取之譌字公羊隱元年傳會猶最
也何休注云最聚也最之爲言聚若今聚民爲投
最最字無音王氏念孫曰正文及注最字皆當作
最才何切最與聚聲義皆同故曰最之言聚也說文
最積也從冂莫狄切取取亦聲徐鍇曰古以聚物之

聚爲取世人多見最少見取故書傳取字皆譌爲
最樂記注聚或爲最釋文亦不爲作音蓋所見本
已譌作最不復知其爲取字矣段氏玉裁說文解
字注曰取與聚音義皆同與曰部之最音義皆別
周禮大宰注曰凡簿書之取目劉歆與揚雄書橐
方言曰欲得其取目又曰頗願與其取目得使入
錄凡言取目者猶今言總目也史記殷本紀大取
樂戲於沙邱取一作聚張釋之馮唐列傳令顏聚
代之漢書作顏取爾雅灌木叢木毛傳作取木今
各書此等取字皆譌作最讀祖會反音義俱非蓋

字林固有取字音才句反見李善文選注至乎南北朝最最不分是以周續之劉昌宗陸德明皆不能知毛傳之本作取木顧野王玉篇尸部無取而曰部有最廣韻本唐韻而十遇才句一切無取字然則唐韻亦本無取字矣玉篇最云齊也聚也子曾切是以取之義爲最之義而廣韻十四泰云取極也祖外切亦是取之義誤以爲最之義也何以言之古凡云殿取者皆當作从尸字漢書周勃傳取從高帝云云師古曰取凡也總言其攻戰克獲之數又衛青傳最大將軍青凡七出此皆與取目

之取同漢蔡湛碑三載勲最正作取字今人最美
最惡之云讀祖會反於形於聲皆失之古必作取
讀才句切王段辨析最二字均極精確惠氏九
經古義據史記集解引徐廣以取爲聚之古字說
尚未審

鼓聲之聲謹謹以立動○注云謹或爲歡動或爲勲
案坊記言乃謹注謹當爲歡聲之誤也

喬樅謹案歡謹古字通用檀弓下言乃謹注謹喜
說也書無逸言乃雍史記引作言乃謹集解引鄭
注亦云謹喜悅也歡謹又與驩通左氏文六年注

晉侯驩公羊作謹史記晉世家作歡孟子盡心上驩虞如也音義引丁公著云驩虞義當作歡娛古字通用耳謹以立動者白虎通音樂篇樂記曰鼓震音也震音煩氣也萬物憤懣震動而出是其義已動或爲勳者勳動古通易艮厲熏心虞注云荀氏以熏爲勳讀作動呂覽注熏感動也皆其証已武坐致右憲左○注云憲讀爲軒聲之誤也

案詳見前內則

喬樅謹案憲軒二字古音相通故鄭注內則讀軒爲憲此又讀憲爲軒惠氏棟曰詩天之方難無然

憲憲毛傳云憲憲猶欣欣也欣讀爲軒與難合韻
揚雄河東賦云麾城擗邑李奇曰擗音車攄之攄
攄从巾憲聲反復相訓蓋古音通也

夾振之而駟伐○注云駟當爲四聲之誤也武舞戰象
也每奏四伐一擊一刺爲一伐牧誓曰今日之事不過
四伐五伐

喬縱謹案史記樂書正作四伐集解引王肅曰四
伐者伐四方與紂同惡者一擊一刺爲一伐也駟
字卽取四爲義古書多相通假詩秦風駟鐵孔阜
說文馬部作四鐵孔阜又大明駟駟彭彭公羊隱

元年疏作四驥彭彭鄭風清人駟介旁箋云駟四馬也左氏文十一年傳富父終甥駟乘注駟乘四人共車又定十年傳公子地有白馬四漢書五行志下引作公子地有白馬駟皆其例也

武王克殷反商○注云反當爲及字之誤也及商謂至紂都也牧誓曰至於商郊牧野

喬樅謹案及字作反者以形近而誤易繫辭上原始反終釋文云鄭元虞翻作及終又祭義篇忿言不反於身正義云定本反作及王氏引之曰案唐魏徵羣書治要及白帖廿五引並作不及於身大

戴禮曾子本孝篇煩言不及於巳曾子大孝篇忿
言不及於巳鹽鐵論毀學篇邪行不及於巳文雖
小異而字亦作及則當以及字爲是及反形相似
故及譌爲反耳又阮氏校勘記云惠棟校宋本反
當爲及無商字岳本嘉靖本同衛氏集說同考文
引足利本同此本作反商當爲及反下有商字衍
文也閩本監本毛本誤同

未及下車而封黃帝之後於薊○注云薊或爲續

喬樅謹案薊古作鄴說文邑部鄴周封黃帝之後
於鄴也从邑契聲讀若薊上谷有鄴縣段玉裁曰

鄴薊古今字也薊行而鄴廢矣漢地理志皆作薊則其字假借久矣陸德明曰薊今涿郡薊縣是也卽燕國之都也玉裁案地理志曰廣陽國薊燕召公所封班意謂封黃帝之後卽召公也許云上谷有鄴縣按郡國志廣陽郡注曰世祖省廣陽郡并上谷許依光武省并而言也今京師順天府附郭大興縣治卽古燕都許說漢制作鄴則知漢時故作鄴但不解今之漢志何以作薊也喬樞攷玉篇鄴下云周武王封黃帝後於鄴今作薊又薊字云荆同上俗額野王所據以鄴爲古字薊爲今字荆

則俗字耳薊或作續其說未詳或曰薊古音在十五部續字訓繼繼音亦在十五部繼又訓續或古以聲同假繼爲薊字又以義同假續爲繼字也封帝堯之後於祝○注云祝或爲鑄

喬樅謹案鑄古音讀如祝淮南子倣真訓冶工之鑄器高誘注鑄讀如唾祝之祝是其証也惠氏棟曰周本紀云封黃帝之後於祝張守節以爲東海祝其縣非也汲郡古文云平王三年齊人滅祝此東海縣也古祝鑄同音續漢志云濟北蛇邱有鑄鄉城劉昭曰周武王未及下車封堯後於鑄春秋

傳云臧宜叔娶于鑄杜注鑄國濟北蛇邱縣所治
呂氏春秋慎大覽云武王勝殷入殷未下車命封
黃帝之後於鑄高誘曰鑄國名惠說是也祝卽鑄
本帝堯之後所封而呂覽及周本紀均以爲黃帝
之後者蓋傳聞異詞耳

名之曰建鑿○注云建讀爲鍵字之誤也兵甲之衣曰
鑿鍵鑿言閉藏兵甲也

案後漢書馬融傳廣成頌命師於鞬鑿與鄭解異

喬樞謹案建鍵聲相近鍵卽鍵字亦與捷通蔡邕
月令章句曰鍵關牡也所以止扉呂忱字林云捷

門距也捷拒門也老子善閉無關捷釋文云捷拒門也莊子庚桑楚篇夫外轂者不可繁而捉將因捷注云捷關牡也釋文引向注云捷閉也又通作鞬故馬融作鞬藝攷釋名釋兵曰鞬建也弓矢並建立於其中也此與馬融義同馬謂鞬以建矢鑿以弣弓鄭謂鍵之言閉鑿之言藏故引周禮曰鑿之欲其約也証此鑿字爲藏甲之義

則易直子諒之心油然而生矣○注云子讀如不子之子案祭義注同

喬樅謹案尚書金縢疏引鄭志云象子孫曰子孝

經而況於公侯伯子男乎疏引舊解曰子者字也
言字愛於小人也中庸子庶民也注子猶愛也史
記樂書則易直子諒之心集解引王肅曰子諒愛
信也此注子讀如不子之子當作字愛解釋文云
子如字徐將吏反徐音是也

故禮有報而樂有反○注云報讀曰褒猶進也

案祭義故禮有報而樂有反注報皆當爲褒聲之誤
周禮大祝褒拜注引鄭大夫云褒讀爲報

喬樅謹案褒報一聲之轉古相通用雜記上復諸
侯以褒衣冠服爵弁服注褒猶進也褒衣者天子

所加賜之衣是亦有進義此記上文云禮減而進以進爲文故讀報爲褒取義於進也

故人不耐無樂樂不耐無形形而不爲道不耐無亂○
注云耐古書能字也後世變之此獨存焉古以能爲三
白字

案詳見前禮運

變者宜歌商溫良而能斷者宜歌齊夫歌者直已而陳
德也動已而天地應焉四時和焉星辰理焉萬物育焉
故商者五帝之遺聲也 寬而靜柔而正者宜歌頌廣
大而靜疏達而信者宜歌大雅恭儉而好禮者宜歌小

雅正直而靜廉而謙者宜歌風肆直而慈愛○注云此文換簡失其次寬而靜宜在上愛者宜歌商宜承此下行讀云肆直而慈愛者宜歌商愛或爲哀

喬樅謹案正義云此經倒錯上下失敘今依鄭之所注次而解之所次依史記樂書也哀愛一聲之轉古或假哀爲愛字呂覽報更云人主胡可以不務哀士注哀愛也劉熙釋名釋言語云哀猶愛也愛乃思念之也是哀亦有愛義矣

商之遺聲也商人識之○注云商之遺聲也衍字也又誤上所云故商者五帝之遺聲也當居此衍字處也

喬樅謹案正義曰以上經云商者五帝之遺聲此
經不得更有商之遺聲也故知衍字攷史記樂書
無商之遺聲也五字鄭君所訂亦皆據樂書

雜記上第二十

以其綏復○注云綏當爲綏讀如蕤賓之蕤字之誤也
綏謂旌旗之旄也

案詳見前王制下大綏條

其綦有綦○注云綦取名於櫬與蒨舊讀如蒨蒨之蒨
喬樅謹案蒨亦作蒨左傳定四年祝鮀云封康叔
以蒨蒨卽此所云蒨蒨也史記衛世家集解引鄭
眾左氏章句曰蒨蒨蒨名也又杜預注蒨蒨大赤
也取染草名也說文蒨赤緇也以茜染故謂之蒨
茜茅蒐也爾疋釋草茹蘆茅蒐孫炎注茅蒐一名

舊許言赤繒以茜染故謂之精則知此車飾亦以
舊染故謂之精也舊讀精如舊者以經言裳帷用
緇布屋用素錦惟精色未明故讀从精明其爲赤
色也

不毀牆○注毀或爲徹

喬樅謹案毀徹義同大射儀注云徹除也此不毀
牆者謂不毀除車飾之裳帷喪大記賓出徹帷注
以或爲廢廢亦毀除之義書堯典方命圮族史記
五帝紀作方命毀族圮亦毀也皆以義同通假

載以輪車○注云輪讀爲軫或作搏許氏說文解字曰

有輻曰輪無輻曰輅周禮又有蜃車天子以載柩蜃輅聲相近其制同乎

儀禮既夕記送匠納車於階間注車載柩車周禮謂之蜃車雜記謂之圓或作輅或作輅聲讀皆相附耳未聞孰正亦引許叔重說又喪大記君葬用楯大夫葬用輅士葬用國車注輅皆當爲載以輅車之輅聲之誤也輅字或作圓是以又誤爲國輅車柩車也攷工記器中膊注膊讀如車輅之輅

喬樅謹案說文解字輅蕃車下庫輪也从車全聲讀若饌一曰無輻也蕃車卽藩車庫輪卽卑輪藩

車古所謂安車者是卑輪蓋取其安也鄭注言輪崇葢半乘車之輪此載柩車亦爲卑輪迺地而行其輪無輻其車有輶有牆與藩車之有屏者相似故亦謂之輅車又旣夕禮遷于祖用軸注云軸輶軸也軸狀如轉轆刻兩頭爲輶輶狀如長牀穿枅前後著金而闕軸焉大夫諸侯以上有四周謂之輶天子畫之以龍段玉裁曰按天子諸侯殯塋朝廟皆用輶玉篇廣韵皆謂輶輶同字許氏說文云下棺車曰輶謂天子諸侯皆用輶也戴氏釋車曰攷大夫廟中有載柩以輶之禮用輶用國車皆謂

朝廟載柩之車國車卽輶軸也旣朝廟然後用輦
車載柩以行周禮之蜃車卽輦車蜃乃假借字輦
其本字也輦者車之名輶者輪之名不宜溷而一
之喬樅謂說文無輦字則輦卽輶之異文故鄭君
據說文輶字爲說戴氏以鄭君溷輦輶爲一說似
未審又喪大記明言大夫士塋車非專指朝廟時
言故鄭讀通及國皆爲輶一爲聲之誤一爲形之
譌若朝廟三士喪禮注已詳釋之大夫諸侯以
上用輶則大夫之殯塋唯廢輶而朝廟固用之鄭
君此記云言載以輦車入自門明車不易也不

易者不易以輜也。廐中有載柩以輜之禮，此不耳。
義本明晰，此記所言皆喪從外來者。凡在路載柩，
天子以下至士皆用蜃車。周禮遂師注云：蜃車，柩
路之柩，路載柳四輪，迫地而行，有似於蜃，因取名
焉。是不得以輜爲本字，蜃爲假借字也。許氏云有
輻曰輪，無輻曰輅，是蜃車以輅爲輪，故有輅車之
名。玉篇車部云：有輻曰輪，無輻曰輅，卽据許氏說。
重文輅云：同上。益足証輅卽輅字，不得以輜爲車。
名輅爲輪名也。旣久記注云：載柩車，周禮謂之蜃
車，雜記謂之輅，或作輅，是鄭君意以周禮之蜃車。

卽禮記之輅車蜚輅聲相近蜚車輅車制相同其
或作團或作搏者皆以聲同假借漢書樊噲傳云
高后時用事顓師古曰顓與專同是其証也國則
團字之譌耳

凡赴於其君。○注云訃或皆作赴赴至也

喬樅謹案儀禮聘禮赴者未至注云今文赴

訃，記赴曰注云赴走告也今文赴作訃段玉裁

曰「文訃告字祇作赴者取急疾之意今文從言」

急疾意轉隱云故說文言部不收訃字者从古文
不從今文也雜記作訃者禮記多用今文禮也左

傳作赴王邱明述春秋傳以古文故與古文禮同也胡承共曰案雅記云訃或皆作赴是禮記本亦有
古文作赴者鄭意以作赴者爲正故於儀禮定從古文

大夫訃於同國適者○注云適讀爲匹敵之敵謂爵同者也

案論語里仁無適也釋文云鄭本作敵

喬樅謹案適敵義通古書多相假借玉藻敵者不在釋文敵本作適燕義莫敢適之義也釋文云適本亦作敵公羊莊二十四年

自敵也春

不露王道篇作君無自適又適字亦通作嫡公
羊隱元年傳立適以長不以賢注適謂適夫人之
子尊無與敵釋名釋親屬云嫡敵也與匹相敵也
訓義並通惠棟曰荀子君子篇云天子四海之內
無客禮告無適也注云適讀爲敵史記范雎傳攻
適伐國田單傳適人開戶李斯傳羣臣百官皆畔
不適徐廣並音征敵之敵是適爲古文敵字也
實○注云實當爲至此讀周秦之人聲之誤也
喬樅謹案漢書東方朔傳非至數也集注云至實
也是至實非獨聿近義亦相通說文八部室實也

从宀至聲室屋皆從至至所止也釋名釋宮室曰
室實也人物實滿其中也室實亦以疊韻爲訓古
至字讀如質段氏音均表以爲皆在十二部

內子以鞠衣褰衣素沙下大夫以褱衣其餘如士。云此復所用衣也當在夫人狄稅素沙下爛脫。此上耳褱周禮作展

案內子者卿妻之稱宜承夫人下故訂此
文爲錯簡褱字與展聲相近周禮內司服展衣注
引鄭司農云喪大記曰復者朝服君以卷夫人以
屈狄世婦以褱衣褱者音聲與展相似元謂展衣

以禮見王及賓客レ也

禮之言賈賈誠

也是鄭意以禮爲正字展爲假借字也

大士不掄絞屬於池下○注云此無人君一亦爛脫

齊從謹案鄭君據喪服大記文君三池振容大夫
二池不振容士一池掄絞此不云君及士故知爲
爛脫不一容者卽此記所謂不以掄絞屬於池下
爲振容也

大士附於士士不附於大夫○注云附讀皆爲附

喬樅謹案釋文附依注作附音同下並同正義云
附者附祭於廟當從示旁爲之攷儀禮旣夕禮明

日以其班祔注云祔卒哭之明日祭名祔也
祭昭穆之次而屬之又爾雅釋詁注祔付也付新
死者於祖廟是祔祭之祔本取義於付故古書卽
假付爲祔字周禮大祝付練祥鄭司農注云付當
爲祔是已祔附古亦多相通用雜記下篇猶是附
於王父也朋友虞附而退注並云附皆當作祔周
禮司市其附于刑者歸鄭司農注云故書附
爲祔杜子春云當爲附小司寇附刑罰及附于刑
注並云故書附作付皆其例也

以猶君也○注云待或爲侍

喬樞謹案侍字蓋待之譌故鄭不從左氏僖九年
傳云凡在喪王曰小童公侯曰子公羊傳云君存
稱世子君薨稱子某既塋稱子踰年稱公未踰年
以前雖稱子而會盟仍與諸侯並列是待之之禮
猶正君也儀禮士昏禮媵侍于戶外注云今文侍
作待莊子漁父篇竊待于下風釋文云待本作侍
荀子正論五祀執薦者百人侍西房注侍或爲待
也侍侍均从寺聲古音同部讀聲亦相近

總冠綵纓○注云綵當爲澡麻帶經之澡聲之誤也謂
有專其布以爲纓

案詳見前檀弓

甕甕符衡○注云衡當爲桁所以廢甕甕之屬聲之也

喬樅謹案儀禮既夕禮符三黍稷麥糗三醯醢屑
甕二醴汇皆木桁注云桁所以廢苞符甕甕也每
器異桁鄭君據儀禮字作桁故讀從之衡桁均从
行聲文選景福殿賦桁梧棲登注云桁梁上所施
也桁與衡同又思元賦雜伎藝以爲珩注云珩與
衡音義同皆以聲同假借

元冕一○注云元冕或爲元冠或爲元端

案詳見前玉藻

喬樅謹案注疏本或爲元冠或下重字阮氏
勘記云惠棟校宋本不爲字岳本嘉靖本衛氏
集說同閩監毛本作或謂爲元冠亦誤

宰夫朝服卽喪屨升自西階西面坐取璧目西階以東

案下宰舉璧與圭注云此言宰舉璧與圭則上宰夫
朝服衍夫字

喬樅謹案正義云宰謂上卿也鄭注宰夫舉祕云
宰夫宰之佐也左傳隱元年天王使宰咺來歸惠

公仲子之明據天子於諸侯尙使宰來賜知此言夫爲衍字也

客使自下由路西○注云使或爲史

喬樅謹案漢書霍光傳使樂成師古注云使字或作史又杜延年傳少府史樂成師古注曰據此傳樂成姓史而霍光傳云使樂成小家子則又似姓使功臣侯表迺云便樂成三者不同尋史使一也故當姓史或作使字而表遂誤爲便耳是史使二字古書通用之証衆經音義二引三蒼云古文使字或作駛亦以音近假借又白虎通諫諍篇曰所

以謂之。何明王者使爲之也。則史字本有使義。
外宗房中南臣小臣鋪席商祝鋪絞紵衾士盥于盤北
舉遷尸于斂上夫人東面坐馮之興踊卒斂宰告子馮
之踊。○注云此喪大記脫字重著於是。

喬樅謹案正義云此一經是喪大記君喪之節於
此重記之。但大記云夫人東面亦如之。此云夫人
東面坐馮興踊。唯此四字義皆同也。今攷喪大記
商祝鋪絞紵衾衣多衣。士盥于盤上無北字。士
舉遷尸于斂止多一士字。

雜記下第二十一

猶是附於王父ㄐㄨˊ猶當爲由由用也附皆當作
附

喬樅謹案古者由猶二字義得通用孟子公孫丑
上由反手也音義引丁音云由義當作猶猶如也
古字借用耳又離婁下我由未免爲鄉人也音義
引丁音云由與猶義同易豫卦由豫釋文引鄭云
用也馬作猶猶豫疑也附附說見前
則猶是與於祭也○注云猶亦當爲由

喬樅謹案說詳見前

是以襲而后設冒也○注云襲而設冒言后衍字耳

喬樅謹案儀禮士喪禮言乃襲三稱下卽言設冒
一襲之是設冒正襲時之事不得言后故云衍字也
朋友虞附而退○注云附皆當爲祔

案說見前

期之喪十一月而練十三月而祥十五月而禫○注云
當在練則弔上爛脫在此

喬樅謹案經言三年之

功衰不弔下言練則

弔文無所承故知當在此期之喪十一月而練
下以文爛而脫下文又言大功弔及小功總弔之

事皆以序相承也

待盈坎○注云坎或爲壙

喬樅謹案坎壙義同周禮喪祝及壙說載除飾鄭
司農注云壙謂穿中也檀弓下其坎深不至於泉
修文篇作其穿深不至泉說文坎陷也陷者
地爲塹之名說文又云壙塹穴也一曰大也從
土廣聲淮南子墜形訓廣莫風之所生也注云坎
爲廣莫風是坎亦兼有廣大之義

雖三年之喪可也○注云雖或爲唯

案詳見前少儀

則里尹主之○注云里或爲士

喬樅謹案里與士聲相近故理官亦稱士官禮記月令命理瞻傷注理治獄官也有虞氏曰士夏曰大理又考工記匠人里爲式注云里讀爲已聲之誤也

不踰封而弔○注云踰封越竟也或爲越疆

喬樅謹案踰與越封與疆訓義並同說文踰越也越踰也越卽越將仲子無踰我里毛傳踰越也疆說文作畺云界也左傳襄三十年田有封洫注封疆也呂覽樂成篇使田有封洫注封界也左

傳定十一年無入而封注封竟也竟亦境字國語
周語修其疆畔注疆境也

入自闔門○注云闔門或爲帷門

喬樅謹案闔帷聲近義通釋名釋牀帳云帷圍也
所以自障圍也周禮幕人掌帷幕幄帟綬之事注
云在旁曰帷在上曰幕皆以布爲之後漢書仲長
統傳注云在旁曰幃在上曰幄是帷與幃同詩氓
漸車帷裳儀禮士昏禮疏作漸車幃裳帷裳亦在
車旁者此闔門爲宮中旁側之小門儀禮士虞禮
記注云闔門如今東西掖門是也以其在旁故謂

禮記集說

卷四

之闔門亦得稱帷門耳